



- SENAT –

Broj: 01-14-70/19

Sarajevo, 27. 05. 2019. godine

Na osnovu člana 130. Zakona o visokom obrazovanju („Sl. novine Kantona Sarajevo“, broj: 33/17) i člana 59., a u vezi sa članom 216. Statuta Univerziteta u Sarajevu, Senat Univerziteta u Sarajevu je na 31. redovnoj sjednici održanoj 27. 05. 2019. godine, donio

O D L U K U
O DONOŠENJU PRAVILNIKA
O DODJELI POČASNOG DOKTORATA
(GRADUS DOCTORIS HONORIS CAUSA)
UNIVERZITETA U SARAJEVU

I

Senat Univerziteta u Sarajevu donosi Pravilnik o dodjeli počasnog doktorata (*gradus doctoris honoris causa*) Univerziteta u Sarajevu, koji čini sastavni dio ove odluke.

II

Pravilnik iz tačke I ove odluke stupa na snagu danom donošenja i bit će objavljen na web stranici Univerziteta.

III

Ova odluka stupa na snagu danom donošenja.

za **REKTOR**


Prof. dr. Rifat Škrijelj

Dostaviti:

- Organizacionim jedinicama UNSA
- Službi za NIR/UIR
- Službi za nastavu
- U dokumentaciju Senata UNSA
- Arhivi



**PRAVILNIK
O DODJELI POČASNOG DOKTORATA
(*GRADUS DOCTORIS HONORIS CAUSA*)
UNIVERZITETA U SARAJEVU**



UNIVERZITET U SARAJEVU

P R A V I L N I K
O DODJELI POČASNOG DOKTORATA
(*GRADUS DOCTORIS HONORIS CAUSA*)
UNIVERZITETA U SARAJEVU

Sarajevo, maj 2019. godine

Pravilnik o dodjeli počasnog doktorata Univerziteta u Sarajevu | 2.

SADRŽAJ:

I DIO - OPĆE ODREDBE	4
II DIO - POKRETANJE I SADRŽAJ INICIJATIVE	4
III DIO - PROMOCIJA POČASNOG DOKTORA.....	5
IV DIO - PRELAZNE I ZAVRŠNE ODREDBE.....	5

Na osnovu člana 130. Zakona o visokom obrazovanju („Sl. novine Kantona Sarajevo“, broj: 33/17) i člana 59., a u vezi sa članom 216. Statuta Univerziteta u Sarajevu, Senat Univerziteta u Sarajevu je na 31. redovnoj sjednici održanoj 27. 05. 2019. godine, *donio*

P R A V I L N I K
O DODJELI POČASNOG DOKTORATA
(GRADUS DOCTORIS HONORIS CAUSA)
UNIVERZITETA U SARAJEVU

I DIO - OPĆE ODREDBE

Član 1.

Pravilnikom o dodjeli počasnog doktorata (*gradus doctoris honoris causa*) Univerziteta u Sarajevu (u daljem tekstu: Pravilnik) pobliže se uređuju uvjeti za dodjelu i postupak dodjele počasnog doktorata Univerziteta u Sarajevu (u daljem tekstu: Univerzitet).

Član 2.

- (1) Univerzitet može dodijeliti počasni doktorat istaknutim naučnicima, umjetnicima, nastavnicima i uglednim javnim djelatnicima iz Bosne i Hercegovine i inostranstva za izuzetne doprinose u razvoju nauke, umjetnosti, obrazovanja, kulture i humanosti, te društvenog i javnog života, za afirmaciju Univerziteta u Sarajevu i širenju njegovog ugleda, kao i za promociju ideje slobode, ljudskih prava i suživota.
- (2) Pod izuzetnim doprinosom smatra se vrhunski naučni, umjetnički, nastavni i javni doprinos uglednih domaćih i stranih djelatnika za postignuća od nacionalnog i međunarodnog značaja.

II DIO - POKRETANJE I SADRŽAJ INICIJATIVE

Član 3.

- (1) Obrazloženu inicijativu za dodjelu počasnog doktorata (u daljem tekstu: inicijativa) mogu podnijeti najmanje tri vijeća organizacionih jedinica od kojih je jedno vijeće nosilac inicijative.
- (2) Organizaciona jedinica koja je nosilac inicijative, inicijativu dostavlja Senatu Univerziteta putem grupacija.
- (3) Inicijativa iz stava (1) ovog člana mora sadržavati opis i dokaze izuzetnog doprinosa osobe koja se predlaže za dodjelu počasnog doktorata u smislu člana 2. ovog Pravilnika.

Član 4.

Obrazloženje inicijative obavezno sadrži:

- biografske podatke kandidata koji se predlaže za dodjelu počasnog doktorata,
- mišljenje o naučnom, umjetničkom, nastavnom i javnom radu, ocjenu doprinosa kandidata u razvoju nauke, umjetnosti, obrazovanja, kulture i humanosti, te društvenog i javnog života,

- ocjenu doprinosa kandidata za afirmaciju Univerziteta u Sarajevu i širenju njegovog ugleda,
- ocjenu uloge kandidata za promociju ideje slobode, ljudskih prava i suživota i
- obrazloženje razloga zbog kojih se predlaže dodjela počasnog doktorata.

Član 5.

- (1) Inicijativa s obrazloženim prijedlogom upućuje se na sjednice grupacija i dalje na sjednicu Senata Univerziteta.
- (2) Senat imenuje Komisiju sastavljenu od 5 (pet) članova od kojih su 3 (tri) člana iz oblasti kojom se kandidat za dodjelu počasnog doktorata bavi, od kojih je 1 (jedan) kreator inicijative, 1 (jedan) član iz akademske zajednice Univerziteta u Sarajevu i 1 (jedan) član iz šireg društvenog okruženja.
- (3) Komisija razmatra inicijativu i daje svoje mišljenje, koje dostavlja Senatu Univerziteta.
- (4) Konačnu odluku o dodjeli počasnog doktorata donosi Senat Univerziteta.

III DIO - PROMOCIJA POČASNOG DOKTORA

Član 6.

- (1) Promociju počasnog doktora zakazuje i obavlja rektor Univerziteta u prisustvu prorektora i dekana organizacionih jedinica Univerziteta.
- (2) Promocija počasnog doktora obavlja se u pravilu povodom Dana Univerziteta, a diplomu uručuje rektor na prigodnoj svečanosti.
- (3) Dodjela počasnog doktorata je javna i izniman je događaj za Univerzitet kojim predsjedava rektor, a svaki počasni doktor osim časti i naslova prima na sebe čuvanje ugleda i dostojanstva Univerziteta.
- (4) Na svečanosti dodjele počasnog doktorata dekan organizacione jedinice koja je nosilac inicijative izlaže izvod iz biografije osobe kojoj se dodjeljuje počasni doktorat te opis izuzetnog doprinosa počasnog doktora u smislu člana 2. ovog Pravilnika.
- (5) Diploma počasnog doktora pisana je latinskim jezikom, ovjerena potpisom rektora i promotora te opečaćena suhim žigom Univerziteta utisnutim u pečatni vosak.

Član 7.

- (1) Univerzitet vodi posebnu evidenciju o dodijeljenim počasnim doktoratima.
- (2) Organizacione jedinice koje su ranije bile nosioci inicijative za dodjelu počasnog doktorata, dužne su Univerzitetu dostaviti sažetke biografija počasnih doktora.
- (3) Sažeci biografija počasnih doktora će biti objavljeni na službenoj web stranici Univerziteta.

IV DIO - PRELAZNE I ZAVRŠNE ODREDBE

Član 8.

Izmjene i dopune ovog Pravilnika vrše se na način i po postupku za njegovo donošenje.

Član 9.

Tumačenje ovog Pravilnika daje Senat Univerziteta u Sarajevu.

Član 10.

Ovaj Pravilnik stupa na snagu danom donošenja.

REKTOR

Prof. dr. Rifat Škrijelj



Broj: 01-14-70-1/19
Sarajevo, 27. 05. 2019. godine